


桂故第五卷

先政下



宋自寶鼎沒於金源翠華飛於浙水上宇既  
蹙干戈是尋內則有戰士之奉外則有虜幣  
之徵視昔全盛不能稍減加以盜訐其中潭  
衡而南半遭鈔掠曹成且逼幾被蹂躪桂事  
亦孔棘矣不知當時羣公所以安集本土捍  
禦外虞上之給國賦下之紓民力其策安在  
况吾桂西南舉足夷境其人恒偵伺中國盛

衰以為叛服民或咨詈夷必陸梁一夫盜兵  
闔城盱食寧得揆吉日休公事偕我同好稱  
彼兕觥方舟而泳清川連騎而窺碧岫以行  
樂哉故觀司府之雍容則知閭閻之暇豫厥  
後增樓櫓以與天翔浚池隍以絕地脉財不  
告誑民不告病天下詢詢為元滅宋桂獨守  
義効之以死不由羣公當倣擾之秋施綏輯  
之政能致此乎惜無

周因字與道浦城

州先是因任湖南轉運使上語及谿洞事對  
曰有邊事邊臣之福無邊事朝廷之福時初  
得燕薊故語及之因在桂曾遊屏風山與栖  
霞洞其名在屏風

李彌大字似舉吳縣人知靜江府奏廣西邊  
防利害甚悉上多采用之召為工部尚書廣  
西提刑韓璜劾其在靜江日斷盜引絞入斬  
坐貶兩秩曾易栖霞洞名曰仙李其容尹穡  
為之銘文甚清警

尹穡者字少稷嘗侍其父於桂官廨故有仙  
李銘仙蹟記皆在栖霞洞中龍隱亦有尹溫  
叔所題字云子穡侍遊溫叔即其父也穡後  
官殿中侍御史歷遷諫議大夫力主和議論  
者多非之

劉彥適字立道紹興初知靜江府與陳充董  
莽趙子巖孫覲遊曾公巖是時孫覲自象州  
放歸道經於桂諸人以其有時名樂與之遊  
充字景淵子巖字少隱

董莽字令升父適以博達聞於古書畫尤所  
精鑒今世傳書跋畫跋皆適所論著莽世其  
業著述亦廣有廣川家學燕閒常談諸書莽  
與孫覲遊時為提點刑獄

張宗元字淵道方城人事在趙鼎傳鼎以檜  
惡徙居吉陽軍三年門生故吏無通問者宗  
元知靜江常遣兵校渡海往視餽米醪者相  
繼七星山有題名所與同遊路彬曾幾方滋  
劉昉皆聞人

路彬字質夫晉陽人為提刑時上章乞減廣  
右上供布錢見桂人張仲宇所為盛事碑中  
曾幾字吉甫贛人也紹興間兩為運判一遷  
副使治尚清淨不携土物人稱其廉贛志謂  
幾為文醇正雅健尤工詩

方滋字務德桐廬人其在靜江於諸遷謫密  
為營護遂物故者少移番禺亦謹事檜嘗製  
異香蠟炬遺之檜聞其善視流人謂有觀望  
意偶問所親以其人善對乃已檜死坐罷隨

值胡銓召還感滋舊恩

職諸山有方洪字稚川

劉昉字方明潮州人先

時尚幼不及遊諸山最

波山下聞復帥湖南之

其事潮志稱允其學該

在桂為何官

劉彥登字允升廬陵人

帥方滋雅重之比滿裝

幕中宴為別在坐十有一  
夫自洛陽家此蓋二程  
為桂人所推重其名俱  
呂愿忠字叔恭知靜江  
檜以李光胡銓為檜所  
內愿忠欲構害之以快  
胡銓詩賦倡和譏訕朝  
日又妄言秦城驛有王  
檜且欲致推戴之意諸

葉仁陳廷傑亦阿愿忠意至改中隱山為呂  
公云寶積山諸葛亭下亦有巖曰呂公不知  
何呂也

汪應辰字聖錫信州玉山人通判靜江府踰  
期不得代乃泐檄歸省其母史稱應辰剛方  
正直敢言不避曾一遊龍隱給清秀巖僧劄  
曰判府狀元汪公應辰少年舉進士第一同  
知樞密劉珙言於上曰汪應辰陳良翰張栻  
學行才能臣所不及其為名流所稱引如此

張孝祥字安國歷陽人英悟絕人紹興中廷  
試主者首薦檜子上親擢孝祥第一後積官  
集賢脩撰知靜江聲績日茂尤以文翰為當  
世所歆羨至不敢名但稱紫薇云以孝祥故  
紫薇舍人

張維字仲欽延平人同時張孝祥有才名與  
維同官建康獨器異維賦朝陽亭詩以贈之  
孝祥知靜江維為提刑兩人相得驩甚同遊  
山水多有題詠及維代孝祥知靜江孝祥因

改水月洞為朝陽復贈以詩用申前期維亦  
改玩珠為還珠以孟嘗比孝祥又題中隱為  
張公洞以致戀別孝祥之意維開西湖潛洞  
與張公洞記皆其里人曹摠書摠後以朝散  
郎知衢州維一字振綱見延平志

范成大字至能吳郡人乾道間知靜江首奏  
裁漕司行鹽不便民者次禁部內勿得暴露  
遺骸仍籍記僧道舍歷年寄棺無主者葬之  
遣官以祭其文曰維乾道九年歲次癸巳辛

酉朔二十五日乙酉朝左奉郎充集英殿脩  
 撰知靜江軍府事提舉學事兼管內勸農事  
 充廣南西路兵馬都鈐轄兼本路經略安撫  
 使兼提舉買馬吳縣開國男食邑三百戶賜  
 紫金魚袋范成大謹遣左迪功郎臨桂縣令  
 陳舜韶左迪功郎司法叅軍鄭鄖以清酌庶  
 羞之奠祭於新塚諸君之靈嗚乎聖人有言  
 卜其宅兆而安厝之則凡死無宅兆者不得  
 其安可知也形魄降於地骨歸復於土然後  
 其魂氣無不之也故曰人死曰鬼鬼者歸也  
 不得其安不得其歸魂羈而無託天下之至  
 悲也桂林之俗或不葬所親寓其骨於浮屠  
 而顙莫泚也與夫遠遊客死遺骸委骼狼籍  
 散亂而弗收者不知其幾也嗚乎若爾諸君生  
 何罪於天而今乃至於此也太守之來惻然  
 動乎其心若已手之而棄也屬吾同僚出公  
 帑營燥剛實覺華之原鍾官之墟鬱然砥然  
 以為諸君之墓隧也舉凡無歸之骨而窆之



域於前列者有官君子也分封於兩旁者姓  
字不傳冥漠君之類也祭之雖非其親藏之  
雖非其里有以安而歸之何異於其親與里  
也日吉辰良肴芬而酒旨魂兮即安無南無  
北無東西也牛羊弗踐樵薪避焉詔於終古  
勿毀勿夷也嗚乎哀哉成大帥桂可紀者非  
一以斯事史不載故特著之

張栻字敬夫廣漢人家世學業具宋史中其  
知靜江籍諸州黠卒教以戰法又時檄諭溪  
峒酋豪弭怨睦鄰毋相殺掠猺與諸夷無敢  
為梗已乃繕飾堯山虞山祠時與賓佐臨眺  
山水其留題頗衆又有勸農詩二十四章以  
多不能錄弟杓字定叟亦官帥幕龍隱有杓  
與其甥甘奕同遊名

鄭丙字少融長樂人性勁特欲以直諫顯名  
於世又孝宗在御喜納言得丙所奏請汰冗  
濫章制下亟行如丙奏廷臣側目已乃因事  
劇切上上不謂忤尋以駁陳龜年女獄詞及

阻韓子師援魯覲起廢兩事言者詆為賣直  
上不聽召丙諭曰朕自喜給舍得人矣丙立  
朝風節類此其官廣西范成大張栻樂與之  
遊名在栖霞水月洞宋史以其論道學事遂  
薄丙為人極力指斥然亦不審於名實之辨  
矣

梁安世字次張括蒼人屏風巖有安世詩其  
自序云與范成大同舉進士曾於彈丸巖賦  
乳牀賦曰吳中以水為鄉嶺南以石為州厥  
惟桂林巖空穴幽玲隴嵯嶇磊落雕鏤欲縻  
繩而篝火窘糧絕而道悠石有脉其何來泉  
春夏而滲流積久而凝附贅垂疣或擊斯鐘  
或振斯裘或蓮斯葩或筍斯抽或胡而龍或  
脊而牛或象之嗅或龜之浮或麟其角或馬  
其騶或躍而魚或攀而猴或祭金星或羅珍  
羞或肺而支或臂而瘤或釜之隆或囊之投  
或溜而媵或壘而丘或鑿圭竇或層岑樓或  
賈犀貝或農鋤耰或士冠纓或兵兜鍪或下

上而相續或中闕而未周稽本草之乳牀特  
精楠之不侔爾抑嘗以歲而計之十萬年而  
盈寸度尋丈之積累歲合逾於千萬肇開闢  
而距今邈春秋其幾換蠟屐之士倏來亟散  
訝泉乳之能堅若朝菌之暮旦孰知頑礦天  
理密運自立於岱能言於晉望夫而化殞星  
而鎮生公談妙而點頭初平叱羊而爭進凡  
如劍如佩如紳如弁如拱而侍如坐而聆既  
具人之形體蓋閱世而默見吾將灰心槁質

孱顏畔岸兀坐嵌巖之側觀融液之流轉自  
分及丈十百而羨高低聯屬柱擎臺建小留  
侯濟北之遇玩蓬萊六鼇之抃俾磨崖刻畫  
之子孫當語之以老人大父之貴賤雖蓋傾  
而輿穿戴一姓之奄旬儻謂瘴鄉之不可久  
居夫豈知處夷險而其志不變者耶賦後有  
序曰淳熙辛丑長至括蒼梁安世拉清江徐  
夢莘劉昌詩柯山李秩嚴陵邵端程金華徐  
之茂宜春孟浩來遊因論乳泉凝結書此刻

之安世在桂與夢莘最友善

徐夢莘字商老清江人主管廣西轉運司文字常與鄉人宦遊桂者十二人集湘南樓約共砥礪為詩見意且鑱之彈丸巖夢莘曾從廣西安撫幹官朝廷直與東西漕司於境上議益法力執廣西官搬法為便時絀其說不三年竟復如夢莘言夢莘喜著述為書甚多孟浩字養直宜春人與徐夢莘同時在桂同脩鄉里會表志稱其廉介為文有法度先是奉新有王從言辟桂憲幕亦與其同時諸人遊龍隱題其字曰師孟奉新志稱其廉退詹儀之字體仁桐廬人襟度夷簡自轉運知靜江在桂甚久遇暇集僚屬造諸勝處故諸巖多所鐫名

陳疇其父昭嗣淳熙間通判靜江時疇未冠侍昭嗣宦邸親見昭嗣每從詹帥儀之遊及疇自知永州為廣南西路轉運判官經水月洞覽儀之與昭嗣題名感傷追記然零陵志

亦載疇在官有善狀  
劉焯眉州人淳熙間帥桂有平反賊李接功  
曾見彈丸巖前平疇廣野謂可騁眺因買以  
為圃繕亭造梁於其間乘暇宴集提刑梁安  
世為之記

林光朝字謙之莆田人為廣西提點刑獄范  
成大復水月洞銘其序中言與光朝議合乃  
復之光朝有集二十卷陳宓序稱其森嚴奧  
美精深簡古上參經訓下視騷詞劉克莊亦  
謂高處逼檀弓穀梁平處猶與韓並驅世亦  
不以其言為過云

朱晞顏字子淵新安人紹熙間知靜江府晞  
顏為人豪爽自喜然最傾意於當世有文名  
者其赴桂經鄱陽留訪洪邁在桂得石屏又  
以遺邁得邁石屏記乃自為跋鐫之龍隱又  
諸山多晞顏所題

劉穎字公實衢州人屏風山之遊以其字與  
諸人鐫之壁穎於衢聲為力學

楊獬字正伯清江人名在栖霞洞臨江志稱  
其有學行為其鄉後學所師法  
蔡戡字定夫莆田人其帥靜江與提刑廖瓌  
運判吳獵遊隱山戡在府著有分野總論至  
今言分野者多述之

吳獵醴陵人字德夫張栻雅知獵以平南簿  
檄攝靜江教授劉焯代栻辟為本司準備差  
遣其後擢轉運判官及開府江陵有捍禦功  
方信孺以獵往為運判知其父崧卿前判運  
多幹略因請撰崧卿祠碑刻之龍隱文多磨  
滅故不載

方信孺字孚若莆田人其大節在宋史自道  
州擢為轉運判官父崧卿先為運判甚有治  
聲桂人祠之及信孺至大為增繕請吳獵記  
其事莆田柯夢得撰迎送神曲其褒揚先漕  
如不及人以為篤孝他日於西山擇最勝處  
創起館宇期欲奉母偕隱其下名所營曰碧  
桂山林自為之銘其文今尚在山中又愛琴

潭水石題以示志曰吾何得此為菟裘之地  
乃灘山雲崖則親築軒於崖之陽乘興獨往  
往則必留曾語守軒僧了真曰先祠在永寧  
去此不遠庶幾神靈謂不肖孤在近或喜得  
暫依也間屏騎從小休軒下伸帟濡毫有所  
撰述不移時草具當其得意處望崖而嘆曰  
平生方提刑以好山水聞孰信茲山寓筆研  
哉最後以提刑至故於桂諸山探賞屐徧製  
文賦詩曾不停思然亦往往有宕逸之氣其

興學厲士宜州多紀之具龍谿書院圖與養

士田記中

張自明字誠子江西建昌人治行在宜州甚  
著或有稱其仙去者蓋以自明雅好仙故爾  
桂諸山多自明所鑿詩  
鄒應龍字景初邵武泰寧人舉進士第一嘉  
定間知靜江龍隱有與客同遊名應龍後官  
至端明殿大學士知樞密院事權叅知政事  
卒贈少保謚文靖其為人具宋史本傳

柯夢得字東海莆田人以善楚辭為其鄉名  
輩方信孺所知曾從至桂信孺請其為撰先  
運判崧卿祠中迎送神曲其祠曰思公不見  
兮我心愁眇八荒兮遠遊嚴祀事兮歲脩幾  
來下兮淹留勤恤祈天兮惠澤周如父母兮  
子孫謀非公休我兮我何以休誰知公心兮  
不獨桂人是憂蘅杜兮薦羞桂醕兮芬浮臨  
饗兮誰酢酬胥樂兮和氣流是感是慕兮無  
昭幽惠我桂人兮百千秋菲薦畢陳兮歆斯

鑿斯歌鼓方洽兮送歌繼之擁翠雲兮祥風  
馳乘霧轂兮揚桂旗秀峙兮瑩澌可遊兮可  
嬉來何從容兮去莫追悵望不及兮天一涯  
化灾沴兮景貺綏願脩爾兮祀事孔時其刻  
在今栖霞洞

夏鴻池州人嘗與弟鵬撰十三代史略後辟  
為團練推官其題遊以字彥鴻鏡之屏風山  
趙與權字悅道鄞人曾與翁子東諸人遊辰  
山後立朝有清直名拜少傅卒贈少師追封



奉化郡王謚清敏累贈太師隱山有豐蒞和  
李魯伯詩蒞亦鄞人

管湛字定夫括蒼人為廣南西路提刑擢知  
靜江亭隱山曰卦德潛洞曰俟德其時提刑  
方信孺轉運判官陳孔碩皆一時之良故湛  
每遊必與兩人俱

陳孔碩字膚仲長樂人為廣西轉運判官以  
時醫者惟誦脉訣不知有脉經為覓善本刻  
之漕司

許子紹字季紹歷陽人也藻思輕雋有留題  
龍隱詩洪氏隨筆中謂子紹監左藏庫時欲  
得太常丞時相抑不用乃出為靜江府通判  
王卿月字清叔臨海人淳熙間以奉議郎直  
秘閣知靜江魯招徐夢莘諸人汎西湖列名  
潛洞

楊方字子直臨汀人以出按所部管湛等觴  
之白龍為勒其語於巖石

趙崇模字履規丞相汝愚諸子也水月洞勒

有德政碑先是其兄崇憲知靜江有美聲宋  
史賢之略不及崇模大氏賢者之後克肖固  
自多也崇憲字履常

張金丹陽人為轉運使時喜與郡人滑懋遊  
懋鏡金所為詩於龍隱金亦自紀與懋等名  
在水月

趙孟適字君啓曾與陳鐸諸人遊中隱南安  
志載孟適知南安軍有惠愛

曾原一字子實贛之寧都人諸山鐫有與趙  
希圉輩同遊年月原一博學工詩從當世知  
名者結江湖吟社所著有選詩衍義蒼山詩  
集

陳讜字正仲莆田人莆陽文獻傳云讜於羣  
籍無不該貫賦詩屬文不為險語而雅有典  
則尤工書法其大字適勁處不減蔡君謨彈  
丸巖有讜詩與其所書題名宋史呂祖泰傳  
中言殿中侍御史陳讜請杖黥祖泰如程松  
言乃杖之百配欽州牢城讜亦附佗胄者

姚宋佐字輔之桂陽人柳志云柳人與劉愈諸人汎舟西湖柳志謂宋佐有詩名然其性廉介雖兩仕而家仍貧同遊有魯倫長沙人詹儀之帥桂從遊者郡文學陳邕邕亦長沙人

崔與之字正子增城人事具宋史其為廣西提刑巡行所部即荒徼大海傳車皆徧號為匆匆不及作諸山之遊者及被旨奏事管湛餞於七星山至今刻在山中

李大異豫章人慶元間知靜江魯曾以勸農之雉山從容與僚佐宴語移時又嘉郡人劉晞居辰山有隱者之節為題所居曰蟄巖因賦詩以寵之

胡槻字伯圓廬陵人先曾通判靜江後以右文殿脩撰為府帥篤於雅故時劉晞歿見其子孫愴然念之追叙其往昔論交之誼書卷授之戒勿相忘仍錄與晞詩晞子居顯刻之辰山槻於穿山書月巖及題名或云穿山

詩即槻作祖銓即上封事請誅檜者槻與弟  
渠官皆至尚書

魯宏正臨江新淦人以直祕閣為轉運判官  
諸山多其詩又以父忠節公三聘神道碑刻  
之龍隱後臨川羅愚亦以其父點所得御書  
并其遺像於龍隱刻焉所不采錄具龍隱山

論中

李闕祖字守約為臨桂主簿辟古田縣令再  
辟廣西經幹曾與方信孺遊伏波山

徐清叟字直翁嘉熙三年以朝奉郎集英殿  
脩撰知靜江是年九月與提刑黃自明遊曾  
公巖自明會稽人字明仲尋於淳祐初亦知  
靜江先是龍溪顏頤仲於嘉熙二年亦帥桂  
與長沙鍾震為龍隱諸巖之遊頤仲字景正  
范應齡字旂叟豐城人歷仕以清直聞為廣  
西提刑廬陵羅大經時在幕下親得其為人  
見大經所著書中大經字景綸

鍾震字春伯長沙人與顏頤仲范應齡遊諸

山震嘗刻父將之登峨眉亭兩詞

董槐字庭植濠州定遠人官至右丞相兼樞密使事在宋史龍隱巖有迪功郎監廣南西路經略安撫司犒賞庫門生陳彌壽所為德政碑以磨滅不可讀故不錄彌壽字仁父衡陽人

李如圭字寶之吉水人與臨江劉止之豫章黃銖宴集龍隱正之字子正銖字公權如圭正之後皆有聞魏部王子羽時亦在坐

趙師恕字季仁端平初以朝請大夫直煥章閣知靜江勅詩穿山乃其去官與僚屬別者龍隱亦有郡人秦祥發所為師恕碑羅大經曾從師恕遊栖霞洞賦詩師恕聞之長樂人白龍洞曾宏正題名內有三山常挺挺亦閩人後官至叅知政事

李曾伯字長孺河內人淳祐九年知靜江府兼經略安撫使其後以湖南安撫使兼廣西制置使移司靜江府踰年以廣西經略司官

屬改稱制置司官屬曾伯城築關隘訓練民  
兵旁及峒丁申嚴防遏開慶元年進曾伯觀  
文殿學士曾伯先後帥桂故諸山鑄題頗衆  
後坐元兵從他間道經部內曾伯嬰城自守  
不能備禦罷去家於嘉興然曾伯於宋末所  
在扞邊足稱勞臣矣或惜其見忌於賈似道  
云

胡穎字叔獻湘潭人自廣東移節廣右與李  
曾伯先後在鎮築浚城池其勞居多有提刑  
章時發所撰記在城北寶華山文漫滅不可  
錄其圖尚在

楊允恭字謙仲長沙人為道州教授時胡穎  
移湖南允恭上謁穎以其夜坐歷驗無鬼語  
允恭允恭對曰以為無則無矣從而察之則  
是又疑其有也穎甚善其言允恭在桂從李  
曾伯遊龍隱坐間有趙畬夫俞仲全州人  
徐敏子黃岡人提刑淮西以貪削秩安置江  
州後起帥桂復以劾罷久之給事中張鎮上

言敏子肆殺黷貨流毒桂府詔仍舊羈管敏子先以奉使至桂題名伏波山

呂師夔宋末帥桂聞其叔父呂文煥以襄陽降元上章待罪乞解所任不許久之召赴闕諂賈似道即以師夔權刑部尚書都督府叅贊軍事任中流調遣命下二日即遣人詣蘄請降閩人朱禔孫亦嘗帥桂後擢荆湖宣撫以江陵降元呂與朱並以其名題之山

朱廣用以建康都統制調戍桂刻其所得勅於華景之壁其文曰勅廣用蠢彼徒戎敢干王略肆獠狂之侵軼乘邊塞以繹騷蹂躪蜀淮窺闖襄廣翹萌芽傲霜雹自速天誅陳師旅如霆雷維揚我武賴閩臣之指授暨守將之扞防張貔虎之威厲熊羆之士聯首尾而相應一心力而有勲凱奏屢馳狡謀莫逞然焦穫尚為整居之計幕南未聞遠遁之期欲底肅清正嚴備禦斥候望烽燧不得卧將吏被甲胄不得休暴露郊原蒙犯矢石屬此

涸凝之候可勝勞苦之情霏雪來思深念采  
薇之戍多寒拊勉庶同挾纊之溫夫推恩施  
惠則人忘其勞均食同服則士奮其勇浴爾  
統戎重任體予當饋之懷勤務撫循俾皆豫  
附各效摧鋒之力益堅敵愾之忠蕩滌腥氛  
靖安疆場佇戰多之來上迪懋賞以報功故  
茲撫諭想宜知悉汝比好否遣書指不多及  
廣用表謝亦以其表附刻勅下李魯伯隱山  
之遊廣用及汪光皆豫馬汪光亦兵帥龍隱  
又有總制出師軍馬夔路馬副軍副總管諸  
人之刻其名並剷去之豈以在戍主客相嫌  
不用約束哉或殘忍不戢為桂人積怨故也  
灘山人曰南宋遊者名書諸山大略具是矣  
終之以兵帥何夫治亂遞乘譬之糾纏兵蓋  
士大夫所諱言者設令邊圉檄飛山亭烽舉  
可遂不下堂皇以却之耶手握籌策躬櫜甲  
胄本非所習其驅之前列者又多市人望風  
而潰亡足異也不得不駕言主兵脆弱借之



他所及客兵集而禍有不可勝言者遠則龐  
勛之迴戈近則昭州之擁甲此非其覆轍乎  
諸衛將校世授爵秩

高皇帝任以禦侮為萬世之規豈獨行一時之  
賞哉一謂將門出將不煩外索一謂生長彼  
中能其水土且山川險易技擊長短皆習知  
之幼誦韜鈴於武學長試弧矢於監司又懼  
宴安鳩毒玩精損力則有不得乘肩輿及挾  
牀上馬之條

列聖為此慮深遠矣顧又棄莫舉何誠及今  
脩復故事明視令甲每當選用顯主武健  
不器之以儒雅庶統綺之態漸銷果毅之氣  
益奮行之數年主兵自張粹有叵測毋煩士  
人夫親驅市人而戰意者其道或在茲乎蓋  
兵無勇怯在將校所用爾不亟是圖至惡客  
帥勒名相高吁一何見之晚也

桂故第五卷

桂故第六卷

先獻

桂在前世南際朱厓西連黔府東北與楚為  
界地幾數千里采山入水列方物充內貢者  
與他所驛使項背相望獨於名賢鮮可覩記  
漢晉六朝遠矣遡唐訖宋亦裁十數公而止  
雖然此其不名在山必論著有與是志相發  
明者不然何棄彼取此柳桂舊俗微涉不好  
學故曰邑有忠信不如好學信矣夫苟好學

進足揚國休退足端里議所謂文獻於是乎  
存傳不云乎不有君子其何能國謂之君子  
別於衆庶豈獨為其權顯號高貴爾哉故因  
諸山略序先獻章斯志所由起焉其或不詳  
蓋無所徵矣

唐

曹鄴字鄴之自云魏武之後不知徙桂所從  
起其寄監察從兄及賈馳詩述鄴西園皆云  
我祖即名字並取鄴必其後也頗慕建安七  
子詩故其所為亦多古體大中間進士及第  
歷祠部終洋州刺史然鄴始為太常博士時  
相高瓌白敏中相繼薨鄴建言瓌交游醜雜  
進取多蹊逕謚法不思妄愛曰刺請謚為刺  
又責敏中病不堅退且逐諫臣舉怙威肆行  
謚曰醜鄴之持論不阿略見兩人傳本家陽  
朔後居桂城阜財坊坊在市西門其時令狐  
觀察以鄴所居改為遷鸞坊鄴於桂有碧潯  
亭宴上詩唐兩詩人家桂州其一名唐字堯

賓太和間進士魯辟為府從事

趙觀文臨桂人乾寧二年狀元及第陳太保可環擁節南土改其所居坊曰進賢以表之觀文起自遠所入取高第意欲藉以涉要地多所幹濟值宦寺竊柄大盜蜂起遂歸家賫志以歿郡志謂其官終侍講則不知之矣至今堯山虞山兩廟有觀文祭器碑

宋

張仲字字德儀臨桂人紹興間里人黃齊以知昌化軍入見上請增郡所舉士比前多二人又見齊言析布事里中稱便仲字美之記其事於中隱巖壁其文曰桂林為廣右二十五州之都會風俗淳古分野寧固自秦漢以來無干戈之患和氣所薰山川秀發城北七里岡嶺盤紆即始安原脉熙寧初頻有祥烟紫氣鬱葱其上父老異之而莫之識未幾果符今皇帝建封茲地中興海寓驗今推昔信芒碭之雲不為虛應也崇寧間尚書王公祖

道來帥是邦念郡庠湫隘風教未敷乃闢而  
廣之誘進學者又採堪輿家之說洳子癸之  
流以注辛戌環城有水如血脉之榮一身遂  
聞之朝故大觀二年准勅著令壅隔新洳者  
以盜決黃汴二河堤防法坐之距今應舉之  
士十倍前日鄉貢舊額八人而已秋闈校藝  
主文者每有遺才之嘆紹興二十六年知昌  
化軍事黃公齊邦之先達也入覲宸扆首言  
靜江屬興王開府聖澤所淪士才日茂而取  
不及下郡之半乞稍優之上可其奏增解二  
名先是憲使路公彬上章言廣右上產瘠薄  
乞減靜江夏稅上供布錢以寬民力然不及  
軍裝布至是黃公復乞之上亦依奏迄今二  
年足輸一緡二侯之請也昔子產為政於鄭  
輿人誦之曰我有子弟子產誨之我有田疇  
子產殖之若此邦之民沐聖恩寬惠膏澤涵  
濡皆二三大夫推仁教養之意而獨無志謹  
書其事鐫於名山傳之於後於以昭示來世

爾潛洞亦有仲宇記范公成大諭民及時舉  
葬文蓋其人以文名於時者齊字義卿舉進  
士初尉富川歷知昌化軍與廉州以能吏聞  
仲宇官爵無所見自仲宇後四十餘年乃有  
張茂良

張茂良雅有著作才又篤耽古故為文氣高  
語潔削去宋季朽瑣之態惜時亡傳者獨餘  
有灘山所刻為廣西經略顯謨趙公德政頌  
序曰紹定四年秋有詔帥廣西趙公進直顯

謨閣易鎮寶婺桂人德公之義結戀不釋即  
無量壽佛宇西偏肖像建祠寓其去思猶以  
為未足乃相與誦述善政刻之水月洞石崖  
此石永存德名不朽公丞相忠定公之子名  
崇模字履規屏翰我邦六閱歲紀政先仁怒  
鎮靜不擾捐利予民恩惠周浹本端末整闔  
境晏清人享和平之福形諸歌頌理則宜然  
頌曰帝奠區宇粵居南土連帥之尊桂其治  
所始時桂人憔悴數畧詔公于蕃拯其疾苦

宣上恩旨滌以膏雨疏剔蠹蠹民胥蹈舞喧  
喧歌謠謂來何莫帝曰嘉哉寬我憂顧賜璽  
增秩事循漢故維公之德不茹不吐施于有  
政威以仁寓安民之安弗庸鈞距耘耨緝績  
倉箱筐筥賦爾代輸屢捐帑貯環堵晏眠吏  
毋扣戶平價發廩以哺饑阻斂散循環邑有  
高庋攻堅易朽加惠黌宇有美南軒紹其遺  
矩吁嗟先賢魑魅是禦揭祠丞嘗蘭藉椒醕  
風化所繫人心起慕什伍其旅迺搜迺補築  
室萬楹逢蠹屯分部粵俗禳魃妖巫獫狁發摘竄  
斥絕其根緒鄰荒民流襁負藍縷賦粟結廬  
于時處處榷斂道殍分命緇侶噉免狸吶惠  
及芻腐鑿石他山康莊坦步虹梁廣濟屹若  
砥柱南渠可舟濬堙疏淤潭潭督府匠石斤  
斧麗譙凌雲鐵甕安堵簪帶改觀水亭坡墅  
游刃所及百廢具舉民不知役約已有裕江  
閩湖湘跳梁狗鼠踰嶺以南寂然桴鼓莫謠  
島居種蔓盤瓠易懷難安頰首安附為政以

德計效如許稚耄相告公我父母今舍我去  
如孩失哺我言匪私感在心膺俾熾而昌奚  
斯頌魯公壽無疆受天之祐爰作聲詩磨崖  
江濟崖石巖巖昭示千古頌後列茂良仕為  
潭州善化主簿才高位詘識者深惜之後有  
秦祥發然非茂良匹也

秦祥發端平間為廣西經略安撫煥章趙郎  
中德政碑其略曰端平更化一洗貪俗唯廣  
右邊郡去天萬里貪官黷吏肆毒猶熾郡將  
多右班寡廉鮮恥抑又甚焉人人無不思得  
賢帥為上宣德意振桂所急判府經略安撫  
煥章趙郎中下車之初不假外美不沽虛譽  
問民間之疾苦詢官政之得失知鄉民苦於  
征求規畫便利亟與釐正其有事詣府者允  
苦胥徒居中多方留難公皆汰去之又嚴約  
所部官吏勿殖貨厲民賓守不如約風令自  
上祠以去賓人繪公像祀焉賀時有他盜公  
即為之調兵往捍賀得以無恐宜陽兵變亦



賴公應時平定公諱師恕寓居長樂魯宰餘  
杭倅常德守荆門持節夔子湖右剖符江西  
宜春所至有惠政民皆德之刻石七星山祥  
發於文後自稱鄉貢進士先是紹熙中有滑  
懋所生介在一張之間亦莫考其名位所至  
獨有跋張金七詩

滑懋者其先自洛陽來家於桂懋則桂人也  
以文學為轉運使丹陽張金所器接以上賓  
金常偕懋及諸僚幕泛舟灑江徧眺諸勝明  
日獨以所賦詩視懋懋感其意刻之龍隱復  
為之記曰紹熙四年秋丹陽張公來主餉事  
公家世人物文學議論推重一世而尤精於  
吏道始至思有以廣上恩蘇民瘼首議脩鹽  
額於支郡以杜

送使於總司以

寬漕計次則閣版籍之負教編戶之稚津送  
落南之孤以出領置腰鋪增驛卒鑿井植木  
以便道途之往來凡剔蠹櫛弊鋤奸扶伏無  
不順民所願欲其屢懇備至疑若日不暇給

而公乃從容如平常間則與客登高訪古賦  
詩飲酒以極其歡懋間亦綴在席末公嘗手  
書是詩以見遺翰墨芒寒照映走筆求觀者  
迨今其未已蓋公之詩精深婉轉能寫難狀  
之景如在目前含不盡之意見於言外如前  
脩所云者故一言一句人以爭先覩之為快  
是用鏡諸巖石以傳示方來時公以中秘帥  
東廣去桂蓋踰年云懋字和仲因金水月洞  
題名始知為桂人

辰山隱者劉升之或曰晞其名也有雉巖兩  
字在雉山旁刻劉晞書按晞以明始升為義  
或所云殆是桂雖多山其依巖結室非游僧  
則方士里中士人託以遯世者絕少晞獨居  
辰山又先為諸生時桂帥呂愿忠強晞共賦  
秦城王氣詩晞不與賦後帥李大異聞而嘉  
之題辰山之巖曰蟄或又曰蟄龍且為二詩  
以旌晞同時唐弼胡槻皆為之和清巖有朱  
元順見禮於張孝祥似亦山居者

唐弼字公佐張栻帥桂時弼與里人蔣礪李化皆從之遊舊志載栻祭秦致政文秦失其名伏波山有秦舜卿李南夫淳熙甲午紀遊南夫乃化字則舜卿必致政字也辰山刻弼和經略寺丞贈劉升之二詩弼與蔣李三君必當時里中名士栻於魯公巖亦刻有三君名先是歐陽闢當熙寧元祐間亦有名闢靈川人

歐陽闢字晦夫早從宣城梅聖俞學詩因以知名蘇軾海外還贈闢有詩時為石康令海陵曹輔提刑廣右偶遇闢玄風洞亦有贈闢顧獨不得見闢所為詩僅存闢劉仙巖記唐少卿遇仙事而已因附之羣公之末

唐全龍躍名見栖霞諸山復有陳方彥張大成白永暉于周唐世則尹士通胡師文黃澤廖願秦光李經余亮張伯通馮傑劉敏孫璋陳德仁黃宗賢尹紹先諸葛昇秦藻唐文雅于邦傑周汝礪丁長民劉上德李用章張子

翼賈守真傳臯輩惟陳方彥故武翼大夫李  
經故助教于邦傑則進士然皆莫能緣名可  
撫其實者

灘山人曰余傳先獻好事者將謂略本實而  
采浮華似矣然士固各有本實也抑人有言  
玉產山潤珠生川媚士患所懷寶或贗爾審  
得其真其精光雖與天地敵可也曹先生碧  
潯亭詩與善化簿君頌皆吾桂所未有夫豈  
無木真哉學不積文不茂故曰不如好學若

曹先生豈直以文翰華國哉亡論相國檀執  
以逞其子弟姻親根據朝署躡迹持柄者非  
其門生則其故吏曹先生裁一太常博士爾  
又南中孤生獨持正議駁兩貴謚至今讀之  
猶使人不寒而栗假令當開元佐明皇其勁  
風直氣與曲江公方軌並鶩無不可者乃郡  
志猥以文士抑之下列彼惡知曹先生哉彼  
惡知曹先生哉

蘇味曹夫生始

志舉以文士呼之不似蘇味曹夫生始

風直屬與曲三公大輝並書無不可古久

言對人不寒而果對今書開文對即是其

又南中不也蘇味曹夫生始

大常對士爾

桂故第六卷

桂故第七卷

游寓

桂與湖南水道相接風氣不殊非四裔之境

可校畀罪人者唐間有之蓋以朝貴列華要

一奉嚴譴走畏塗即近在三輔亦嗟失勢况

江嶺以南乎至宋則多屏之昭象州郡遠且

惡也曰遷謫曰安置所坐各有名故不復鉤

校其案與其人行事惟行李所經間有屬詠

及從是中士大夫游名著諸山者略掇為傳

與夫方外緇黃之流或標筆苑之鋒或齒華  
裊之末人或以老壽謂有道術身曾栖山或足  
迹一再至故亦得附見或曰寄寓獨無游士  
何曰唐桂府例得辟舉宋諸闕官惟軍府所  
選補又可署攝游者入境易注名於官簿如  
唐楊衡戎昱李商隱諸賢雍容幕府非浪寓  
也而他或寓者於山川不相涉故不志

唐

宋之問字延清汾州人與同時沈佺期比律  
楊藻各擅麗則齊名朝廷曰沈宋云在桂詩  
數首多思歸之嘆則以侍從日久希恩戀貴  
不自知止足然諸詩最淒切可諷與應制教  
異亦得之遠徙者為多自宋相傳真山觀乃  
之問遺宅今觀亦失所在

宋

黃庭堅字魯直分寧人以羈管宜州過桂見  
諸山驚嘆奇絕遂賦之詩云桂嶺環城如雁  
蕩平地蒼山忽嵯峨李成不生郭熙死柰此

百嶂千峰何惜庭堅是時以罪放所至督遣  
不得跨危峯擘飛翠如生平讀書石牛洞與  
徧署鳳栖巖諸石名

鄒浩字志完常州人初以章惇詆浩狂妄羈  
管新州徽宗立召還後為蔡京所惡謫衡州  
尋竄昭州有重經雉山詩

孫覲字仲益毗陵人早以文得名其四六與  
同時汪藻並出諸著作右覲以罪謫歸州後  
再安置象州則坐尹臨安無廉聲焉比蒙赦

還劉彥適董彝諸人招游諸山覲自紀游於  
鐵牛寺葺院觀無盡老人畫像初寮道人所  
題榜無盡老人乃故相張商英初寮則王安  
中也商英蓋未至桂僧院以商英素事佛故  
多繪其像安中先覲亦安置象州或曰安中  
所題榜即今獨秀山有宋顏公讀書巖數字  
則其篆也安中亦文士

析彥質於桂有超然亭詩亭在西山當時以  
最勝聞而彥質固嘗以宣撫摠十餘萬師枕

金人於河上師尋潰者蒙死云幸何論竄南  
為乃後坐趙鼎姻黨安置柳州豈前潰大勢  
適然後逐波及也彥質簽樞密權叅知政事  
自柳州赦還復其官史不立傳或以師潰故  
瓊志又謂其曾謫居昌化軍此詩亦云過海  
豈往反昌化時耶

郭顯者不知何所人居桂南溪之劉仙巖一  
稱住山道民一稱南溪郭顯然卒無可踪跡  
之者獨有南溪卜居銘首言士大夫以金虜  
之故多南遷似避地中言志在神仙似方士  
末言榜揭歸去又似棄官入山者迄今莫知  
顯為何如人也顯銘自云泌源郭顯蓋今泌  
陽人張孝祥在桂其客有郭道深朱元順又  
嘗與道深訪元順所居清巖元順必山居可  
稱者惜皆不見其名或曰道深乃顯字華景  
又有蔣詩翁亦宋人

趙夔以二十四巖洞歌鐫南溪之穿雲巖歌  
非奇作或以其摠括附近諸巖洞名故鐫之



或謂夔為趙賢良又有詩贈海陵余公夔自稱曰漳川居士山間諸詩惟玄風洞所作足自立於宋人間郡志謂夔自南遷北還經此夔蓋亦紹興中遷者所云賢良或其發身之科然皆莫可考矣時有將仕郎劉振為夔書巖洞歌其書髣髴顏真卿多寶塔迹振字時舉臨川人

方外

僧智深唐垂拱三年為合浦令呂興記灘山陽所鑄佛像書亦出智深手其書與貞觀間吳人朱子奢相似乃智深名不振豈以為僧或隔在遠所也

寶珍宋西峯住持僧喜學篆筆特雅勁其時桂府貴游有所勒石必引寶珍篆其額今雉山華景鎮南峯皆有寶珍筆

了真亦宋嘉定間僧方提刑信孺嘗過灘山憇了真所居愛其居後青壁迴秀每至必臨顧良乂亡何捐奉獨建雲崖軒於其處他日

信孺至喜而賦詩且曰後世誰相知方生筆  
研寓哉了真隨奉信孺詩刻之壁復為之跋  
張孝祥記朝陽亭亦有僧了元名

元在菴主人亦宋華景洞居者洞有石堂歌  
伏波山光月亭亦有詩雖乏高韻然其人似  
游方以外者名字俱匿莫辨僧與道或以為  
蔣詩翁然歌指大氏禪者緒言也故槩列僧  
中

宋諸僧又有紹簡者劉誼苗時中與之游張  
自明游清秀巖亦有清一著詩話一卷者曰  
德淳方信孺言西山資慶寺僧紹言有米芾  
所與詩郡志著桂僧景淳亦工詩此外又有  
齊月仲修仲堪了達祖華西山海印大師賜  
紫日登似皆能住持諸山者而齊月則有黃  
通判照所贈詩尚在雉巖中

軒轅彌明唐元和中在南嶽與進士劉師服  
校書郎侯喜夜聯石鼎詩昌黎韓愈奇其事  
敘之以傳且曰彌明蓋隱君子也桂州堯廟

有彌明開元二年謁廟詩自宋鐫石在今郡  
學中彌明往來湖湘間多止衡嶽人因謂之  
衡嶽道士始游桂時必年二三十至元和七  
年殆一百二十餘歲竟不知其所終同時虎  
丘有清遠道士自為詩述生商周之際則二  
千年人也顏真卿序而刻之虎丘且頌以詩  
或曰即彌明其後羅浮又有軒轅集亦數百  
餘歲何唐兩軒轅並以壽稱而彌明獨有兩  
詩傳於世

劉景字仲遠臨桂人曾游京師館賈相國昌  
朝宅二十年後歸家入南溪山即山南巖以  
居自稱大空子提刑李師中往訪之留詩於  
巖天台張平叔是時隨陸詵居桂亦過就仲  
遠以談為作真人歌贈之仲遠亦自著有金  
玄歌後年至一百十八歲乃終里人名所居  
巖曰劉仙旁有仙跡巖相傳仲遠禮斗處其  
石上至今有足跡

余先生其名與里居無可考居劉仙巖講求

仙術巖有趙賢良贈先生詩賢良即趙夔余亦自著有金液還丹歌平叔悟真篇自宋及今祖述者衆脩真者皆宗之故不具論宋道士鄒次洪李可道以游山附名張子真李道隆以建築立碑玉笥山胡侗平以隨潮陽鍾大鳴至乃若真山黃行觀正悟師舉雖號出家然並以職名羈縻官府者  
灑山人曰唐宋於前代見謂有道至遇遷謫無足言者乃我

明獨矜全之德何盛也夫士起南畝謁北闕解裘褐列冠帶內則備侍從外則領州郡所以為士人光寵者何厚一有不肖之迹輕在流竄稍重遣戍廷論明白不復追按其以言事忤旨或權貴侵冤者旋被召還不次顯用未有顛命遣使及授意所在容行誅戮如唐周利貞之害袁恕已慘酷不忍言以忠厚立國如宋董必猶得希惇卞之意謀遣人殺蘇軾呂愿忠誣劾李光胡銓欲致之死

以快檜錢宏祖欲為史彌遠殺胡夢昱甚至  
如胡舜陟怒古今高登不承意建檜父祠文  
致登不復生又况遷謫至者當虎口也乃今  
有一於是乎宋諸事皆在桂故追論之為當  
時游寓諸公危并著我

朝弘貸曲全其深仁盛德視唐宋真天壤哉

桂故第七卷

桂故第八卷

雜志

或曰諸故備矣益以雜舉何曰夫桂阻山為  
固土石相揉物產不豐田圃所出僅足自奉  
故其俗多儉儉故鮮邪心其民畏上唯所指  
使一遭多故并力以敵王愾及大事去而闔  
城抗節不忍有二志乃隋已然宋元尤烈著  
在史錄何可誣也昔漢高帝見魯不下謂為  
守禮之國桂歷數朝大義暴白亦何慙於守

禮哉嘉靖中學使吳人袁袞遊桂諸山反以  
名世不生而蠻種是繁為山川羞余竊憤爾  
時無掌故者出請陳土風與其遺事使得聽  
覽庶山川不枉受譏至今焉參以一二平蠻  
碑何益桂僅自給幸諸賢大夫加意拊循膏  
雨時行猛政不施壯者畢力生計老得終其  
天年亦一樂國也所患為疆場之警者蠻是  
已諸蠻既平民乃不驚故終之以平蠻

隋

李襲志字重光其先本隴西狄道人五世祖  
避地更為金州安康人仕隋始安郡丞大業  
末盜起襲志傾私產募士得三千人乘城拒  
盜蕭銑林士弘屢攻之不下聞煬帝喪乃與  
士民縞素三日臨或說曰公臨郡久士大夫  
悅向蠻夷畏威雖曰隋臣實君長也今四海  
分裂自王者非一人今遂據嶺表取百粵何  
遽不若尉佗乎襲志曰吾世隋室臣江都雖  
淪宗社尚有奉諸君當相與戮力刷恥豈隨

衆圖不義哉吾寧蹈忠死不逆節以生尉佗  
不足為吾法也欲斬說者衆諫乃止遂固守  
凡二年力窮援絕為銑所陷襲志亦以銑故  
蕭梁子孫乃權依之武德初高祖賜書命其  
子玄嗣召之襲志約嶺南酋永平郡守李光  
度潛圖歸國帝復以書諭曰公朕之宗不可  
與異姓比宜及子弟並豫宗正屬籍及銑平  
嶺南六十餘州皆送款乃襲志誘而致云趙  
郡王孝恭承制授桂州總管五年來朝進柱  
國封始安郡公江州都督後討輔公柘為水  
軍總管轉桂州都督襲志守桂二十八年政  
尚清省南荒便之

唐

周元靜為靜江軍節度使見唐末所在兵起  
章表道斷明約部內守令將校各以廣農輯  
兵為務當俟間圖勤王四境信嚮如平時不  
見他盜安州防禦使宣晟亂人也以計入桂  
詭奪所領元靜不從與其部將劉士政率衆

以戰不勝死之部衆成就死無棄去者

宋

馬陞宕昌人咸淳中陞知欽州徙知邕邕地  
接六詔安南傍通諸溪洞撫御少失宜往往  
召亂陞鎮撫諸蠻及治關隘皆有條理大理  
不敢越善闡安南不敢入永平諸洞皆上帳  
冊邊陲晏然廣西經畧李興上其功加閣門  
宣贊舍人未幾以左武衛將軍徵入朝已而  
宋亡陞因留靜江總屯戍諸軍護經畧司印

守城至元十四年平章阿里海牙攻廣西陞  
發所部及諸洞兵守靜江而自將三千人守  
嚴關鑿馬坑斷嶺道大兵攻嚴關不克乃以  
偏師入平樂過臨桂夾攻陞陞兵敗退保靜  
江平章使人招降陞發弩射之攻三月陞夜  
不解甲前後百餘戰城中死傷相藉訖無降  
意城東隅稍卑大軍陽攻西門以精兵夜決  
水牐攻東門破其外城陞閉內城城守又破  
之陞率死士巷戰刀傷臂被執殺之斷其首



猶握拳奮起立踰時始仆  
鄧得遇字達夫邛州人淳祐十年進士調寧  
遠主簿改知南昌縣通判隆興府監行在藏  
庫出知昭州遷廣西提點刑獄逾年攝經畧  
事兼知靜江府德祐元年長沙被兵得遇遣  
都統馬驥馬應麒赴援驥潛叛而還得遇斬  
之軍事悉委之應麒未幾馬墜行間議事不  
合二年移治蒼梧靜江破得遇朝服南望拜  
辭書幅紙云宋室忠臣鄧氏孝子不忍偷生  
寧甘溺死彭咸故居乃吾潭府屈公子平乃  
吾伴侶優哉悠哉吾得其所遂投南流江而  
死

劉子薦字貢伯安福人父夢驥以進士歷官  
知澧州沒於王事子薦以父勲任湘鄉尉以  
獲盜功調撫州司錄決王應亨疑獄事聞頒  
諭天下之為理官者改知贛縣監行在左藏  
庫通判常德府知融州以廉靜著聞主管仙  
都觀廣西經畧司檄為叅議官德祐二年十

一月北兵至靜江權經畧使馬堅遣子薦提  
徭兵藥弩手守城城東門勢不支時瀛國公  
已入燕子薦取笏書其上云我頭可斷膝不  
可屈登城北望再拜取所服衣袍瘞之語左  
右曰事急不可為吾惟有以死守或諷子薦  
遁去子薦曰死事義也何以遁為竟死之

平蠻頌

朝議郎守尚書禮部郎中上柱國

韓雲卿撰

朝議郎守梁州都督

府長史武陽縣開國男翰林待詔

韓秀實書

州府戶曹叅軍李

陽冰篆額

惟大曆十二年桂林象郡之外有西原賊率  
潘長安偽稱安南王誘脇夷蠻連跨州邑鼠  
伏蟻聚賊害平人南距雕題交趾西控昆明  
夜郎北洎黔巫衡湘彌亘萬里人不解甲天  
子命我隴西縣男昌巒領桂州都督兼御史  
中丞持節招討斬首二百餘級擒獲元惡并  
其下將率八十四人生獻闕下其餘逼逐俘

虜二十餘萬並給耕牛種糧令還舊居統外  
一十八州牧守羈縻反覆歷代不賓皆受首  
請罪願為臣妾嘉其自新俾守厥舊商農漁  
樵各復其業悼耆鰥寡各安其宅變氛沴為  
陽煦化嶮阻為夷途五嶺之人若出玄泉而  
觀白日如蹈烈火而蒙清 飛書上聞復詔  
嘉焉公卿百辟將校耆艾咸願歌頌勲烈以  
銘於石其辭曰皇帝嗣位十有五載淳風橫  
流聲教無外蠢茲蠻貊肆其蜂蠆恃遠怙險  
為人蠹害爰命隴西挾節討綏訓我師徒如  
虎如貔卷旗釋甲先喻德澤稔惡弗懲含萬  
弗息矯矯隴西勵爾矛鋌鼓奮重泉兵揚九  
天出其不意億萬踣顛來者面縛亡者染鍔  
搜洞索穴覆其巢宅若鼓洪爐燎彼毛毳若  
振飄風摧乎朽脆海嶠濛濛再開天光俾稜  
作咏化為農三軍臥鼓四鄙罷析原野蕭  
條萬里澄廓明主是嘉罷人是康銘之嶺門  
用垂無疆

平蠻碑 廣西經畧使余靖撰

聖宋體天法道欽文聰武聖神孝德皇帝在位之三十一年天宇之內海渚之外疆表卉服罔不率俾粵五月蠻賊儂智高寇邕州陷其郭賊虐衣冠驅虜稚艾遂沿鬱江東下所過郡縣素無壁壘倏然寇至吏民棄走因得焚蕩剽鈔無所畏憚乃攻圍廣州五十餘日不克大掠其民而去然所存者官舍倉庫而已百年生聚異域珍玩掃地無遺矣國家於嶺南不宿重兵故賊起三月而後師集蔣偕張忠義號驍將相繼而覆沒由是畏懦者望風潰走賊鋒益熾逼連賀毀昭賓再穴於邕矣驛騎繼聞上甚憂之樞密副使狄公青以為將帥之任古難其才若再命偏裨事一不集則二廣之地患熾而不解矣亟自請行天子韙之遂改宣徽南院兼荆湖南北路宣撫使都大提舉廣南東西路經制賊盜事九月拜命既授禁旅仍啓以舊鎮兵及荆湖銳卒

從行十二月至桂林督部伍親金鼓然後兵  
知節制矣明年正月甲辰至賓州先是鈐轄  
陳曙領步兵八千潰於崑崙之關公推其罪  
首斬曙及佐吏已下三十一人然後人知賞  
罰矣兵將股慄咸思用命是月己未引師至  
邕城一舍賊悉其徒以逆戰公之行師雖倉  
卒道途皆有行列賊至駐先鋒以接之公憑  
高望撫騎兵以翼焉賊徒大敗追奔十五里  
斬首二千二百餘級生擒五百人尸甲如山  
積於道路偽署將相死者五十七人是夕智  
高焚營自遁復入於蠻中先是命湖南西路  
安撫使樞密直學士孫沔入內押班石全彬  
過嶺與廣西經畧使余靖同共經制東西路  
盜賊故命公都大提舉然孫石贊謀而軍中  
悉稟公之節制賊之再據邕也農者輟耕商  
者輟行遠邇惶惶不聊其生及公之拜命也  
朝野之論中外歡然以方召之才兼機軸之  
重出翦狂蠻無噍類矣賊之巢穴曰廣源州

交趾之附庸也父為交趾所戮遂棄其州奔南蠻界中淵藪悖傲以僭稱號自名其居曰雲南道又曰南天國再名其年曰景瑞曰啓曆雜名其左右之人自侍中開府以下署之其主謀者黃師宓儂建侯儂志忠等戰沒於陣未有翦其羽翼而能飛剝其腹心而能全者也故宵遁矣嗚呼智高之謀十餘年間招納亡叛共圖舉事十餘月間連破十二郡所向無前夫豈自知破碎奔走在於頃刻之間乃知名將攻取真自有體哉二月甲戌改乘轅其月丁亥至桂州詔徙護國置節度復以樞密副使召仍曲赦嶺南民得休息矣遂磨桂林之崖石以書其勲其辭曰有宋之大天覆地載四海正朔百蠻冠帶蠢茲狂寇起乎徼外父戮於郊逃死獠界招納亡命浸淫邊害邊臣罔上失職以懈卒陷邕郭乘流東邁志圖全越肆其鋒藟廣城言言梯衝附焉攻之五旬掠民而旋賊鋒一至千里無煙還據

於邕五嶺騷然天生狄公輔聖推忠情存義  
烈志嫉頑兇請纓即路仗節臨戎英材遂集  
猛將風從賊之敢鬪實惟天誘來迓於郊奄  
喪羣醜當我推鋒易如摧朽僭補偽署叢然  
授首羽翼既翦心腹既剗雖欲再舉人誰與  
圖焚廬而去回巢以逋六親不保日獻其俘  
屨惟邕邊南國之紀九洞襟帶列城唇齒險  
固一失兵糧無峙庶民蚩蚩鳥驚獸跂我公  
之來電掃雲開叛蠻斗破綱領重恢師成廟

筭民得春臺天聲遠振繫公之材

平交趾記 提點刑獄李師中撰

嘉祐五年六月交趾甲洞申紹泰率衆犯邕  
州境巡檢宋士堯等逆擊死之上聞乃召侍  
郎余公靖於青州面諭曰以卿熟嶺南事今  
授卿體量安撫使亟往無辭繼以如京使知  
邵州賈侯師熊副之擇材勇者自從即荆湖  
兵以行其年冬至邕遣介召交趾用事者費  
嘉祐於麾下詰之嘉祐訴云本無惡心但近

邕人侵擾含怨不能自明乃相聚  
以起誤犯官軍以地遠不易知請歸就治自  
今敢入寇者斬約束定乃去噫五刑不明小  
雅盡廢則蠻夷猾夏寇戎姦宄作矣自責深  
者其心恕自任重者其功遠惟天眷佑下民  
惟君奄有天覆一物失所當自計利害勞費  
力與蠻夷較勝負真忍人哉韓愈罪徼功之  
人李固駁用兵之議其有意於根本矣今既  
黜邕守用廉重仁明者公又畫一為令以謹  
疆里盡去前時徭役之害民者使後人知勝  
計在此不在彼專於自治以撫斯民外安物  
情中葺邊備公之慮遠矣哉既還老幼遮道  
曰我公無歸以保我生師中舊學於經得裒  
貶之義顧桂之北青壁萬尋巖而刻諸以為  
公作記其威令有未究者公將復命固請師  
中不敏尚能為公志之

桂州瘞宜賊首級記

廣西去國既遠自有邊事主兵之臣懷詐事



上專用姑息以取官賞民益受弊賊益得計  
以至於不可救療慶曆四年正月十三日宜  
之環州有賊歐希範挾怨聚黨攻其州下之  
明日破帶溪普義又明日破鎮寧逐其

自稱神武定國令公桂牧內倚世賊蒙趕  
深溝高壁乘宜州無備將以

龍江

而搖二廣也於時主者出兵捍禦雖頗攘定  
而賊方繕完器甲張

勞安撫納故事四

月以刑部員外郎集賢杜公杞為轉運按察  
使得便宜追討八月十二日公至自京師涉  
桂蹈宜駐旄於環經沉謀揆遠

謂安化種

類頻至深入使吾數千里之氓夫耕婦織不  
能供命而濱於死者趕實為之地今不并誅  
是雖得希範猶不得也亦既禽趕明年正月  
七日縛希範於荔波之古綰寨十三日械至  
環州二十九日誅希範蒙趕及其偽置官屬  
二百四十有三人於宜州之城下配隸之外  
并前斬首摠一千四百九十四級公命分送

諸郡之以示衆而臨桂居四分之一於是  
桂之官吏相與謀曰古之誅大惡者必為京  
觀所以示戒懼於其後也今此小醜敢行稱  
亂惡已鉅矣宜歛而封之以應古誼然後盡  
以所命即北郊而瘞之章大戮焉公之成功  
藏在不府異時死者得葬生者得息含哺鼓  
腹無征輸之患傳諸故老之口而不見公之  
顏色又無紀述以形盛德之美何以慰南人  
之思哉因畧取其粗而著之石云時乙酉三  
月六日欽州軍事推官將仕郎試秘書省校  
書郎權節度推官孔延之記

灘山人曰守國設險必資形勝自古記之矣  
桂雖多山然皆特起不任屏蔽江瀨之淺可  
涉而過其險惡足恃哉虞慶則一時狂言實  
速自斃故李襲志堅拒僚佐據桂之策可謂  
英識雖然遭世隆平禹內熙豫鴻雁不歌於  
側戎馬不生於郊山川雖小亦足游詠不惟  
可暢越鄉之懷間行周覽土壤之腴瘠民居

之多少瞭然在目因事創畫廣為便利得蒙  
游豫之助不少有事則糾合士衆為國家守  
封疆萬一不濟如周馬諸公去千百世風烈  
如在雖倡義自諸公協心戮力不辱斯土者  
非桂之人乎余故以為不忝有禮之國乃若  
諸蠻非我族類怙亂不翦耕牧無所抑四境  
卧不安席命駕造野祇以攬心或曰張莊平  
允從州程鄰築允州蠻且樂附山有麗篆何  
可廢諸曰開邊徼功為國生事宋史非之張  
虛美而導侈心不得不黜之以塞禍源焉乃  
若周馬諸公舉祠與否非野人所敢議蓋章  
節表忠用勸來者其柄在上即  
國初死元事之人遠慙安豐近愧東莞然律  
以大義各為其主亡足怪也

桂

卷八

七

桂故第八卷



南京圖書館藏

理